

der/ vnd dero halben sich ein jeder selbst beschel-
den/ vnd dessen an diesem ort billich enthalten
solte/ Sondern es deformiret auch dieser böser
brauch vnser summum iudicium nicht wenig/
vnd erfolget doraus allerhand vngeliegenheit/
Sintemal bey solchem zechen/ die Acta nicht flei-
sig in acht genommen/ sondern leichtlich etwas da-
von verlohren werden kan/ so nicht herwieder zu-
bringen/ nicht zuuerantworten / vnd manchem
Parthe dardurch groß nachteil entstehen könnte/
So wollen wir hiermit obangedeutes zechen/ es
sey in Bier oder Wein/ an der Gerichtsstelle/ oder
in der Sekstuben/ gantzlichen vnd bey vnnachläss-
licher ernster straff/ abgeschafft vnd verboten ha-
ben.

Von den Schreibern.

Dennach auch mangel der
Schreiber halben bißhero fürgelauffen
ist/ sich aber die Advocaten derselben wegen/ fer-
ner füglich nicht zubeschweren haben mügen/ So
sollen die Schreiber/ Sommerszeit frühe vmb
6. Im Winter aber vmb 7. vhr in der Versetz-
stuben sein / vnd des versetzens bis vmb 10. vhr/
nach Mittage aber von 1. vhr/ bis vmb 5. ab-
warten / Sich keinem Advocaten vmb genießes
wil.